

- Ante meos gressus discurrit me feriendo,
 60 Postergum¹ sequitur me ferit ac manibus.
 Vestibus ac tunicis nudum me testor adesse,
 Parcere haec nescit nec mihi nec homini;
 Amphibalis vacuos hec mordet dente lupino,
 Frigore marcescet heu teneros pueros.
 65 Vulgar, nunc succurre mihi, succurre misello,
 Mordentem hiemem vincere quo valeam.
 Horreo hanc timidus, hanc terreo tegmine nudus,
 Porrige mox vestes, quas petii mihimet.
 Nobilis alme pater, per quadrum transvolat orbem
 70 Fama², tuam vitam laudibus almificans.
 Adveniunt multi de cunctis denique regnis³.
 Et cunctos pietas suscipit ecce tua.
 Occurrunt tibimet de multis partibus omnes,
 Expansis manibus suscipis hosque pius.
 75 Concurrunt omnes ad te iuvenesque senesque⁴,
 Clericus ac laicus, pauper inopsque⁵ simul.
 Cognoscunt fontem pietatis te, pie, cuncti:
 Propterea veniunt et tua dona petunt.
 Te quaerunt inopes, tristes quoque necne merentes
 80 A te divinum consilium capiunt.
 Tu recipis cunctos et ditas munere digno:
 Expellis memet, servio qui tibimet.
 Te laudant cuncti, quos omnis continet orbis⁶,
 Illis tu donas munera magna quia.
 85 Tempore iam multo te cernere, domne, cupivi,
 Gaudeo nunc vultum cernere nempe tuum.
 Te laudant cuncti, pro te cunctosque reliqui,
 Hoc peto cum gemitu: sis mihi propitius.
 Tu mihimet misero miserans miserere misello
 90 Atque tuus vultus sit mihi propitius.
 Salve, sancte pater, salve⁷, venerande magister,
 Salvator salvet te, pius Emmanuhel
 Unus sub trino salvet te tresque sub uno,
 Nomine sub trino qui deus unus adest.
 95 Sufficit ac satis est calcem submittere metro
 Et tibi sufficiat sufficiens pietas.
 Sufficit hoc mihimet, pastor, te cernere semper,
 Sufficiatque tibi regula coenobii.

91 nach diesem Verse sind 2 Zeilen ausradiert.

1) Aen. I, 296 'Post tergum'. 2) Ib. I, 457 'fama totum volgata per orbem'. 3) Anthol. 687, 1 'Conveniunt subito cuncti de montibus altis'. 4) Aen. IX, 309 'iuvenumque senumque'. 5) Anth. 687, 40 'pauper inopsque'. 6) Luc. Phars. I, 110 'totum quae continet orbem'. 7) Aen. V, 80 'Salve, sancte parens, iterum salvete'.